

Ministarstvo poljoprivrede, šumarstva i vodoprivrede Tuzlanskog kantona Tuzla, ulica Rudarska br. 57 Tuzla, zastupano po ministru Abdulahu Zukiću, dipl.oecc. (u daljem tekstu: Naručilac) ID broj: 4209419010007, i

i

“ŠUMA PLAN” d.o.o. Banja Luka ulica Romanijska 1E, Banja Luka zastupano po direktoru, Dušku Topiću, dipl.ing.šumarstva (u daljem tekstu: Izvršilac) ID 4401778170000

dana 08.12. 2015. godine, u Tuzli zaključuju sljedeći

**U G O V O R**  
o javnoj nabavci usluga nadzora nad izradom šumsko-privrednih osnova za Š.P.P.  
“Majevičko” i Š.P.P. “Vlaseničko”

**Član 1**

Predmet ugovora je nabavka usluga nadzora nad izradom šumsko-privrednih osnova za Š.P.P. “MAJEVIČKO” i Š.P.P. “VLASENIČKO” u visokim i izdanačkim šumama, prema naučno verifikovanim standardima.

**Član 2.**

Ovim ugovorom Naručilac povjerava, a Izvršilac se obavezuje da će za račun Naručioca u skladu sa Tenderskom dokumentacijom broj: 04/1-01-14-20073-1/15 od 22.09.2015. godine i Pravilnikom o sadržaju i postupku izrade šumsko-privrednih osnova za državne i privatne šume, kao i reviziju istih (“Službene novine Tuzlanskog kantona”, broj: 2/13) izvršiti poslove iz člana 1. ovog Ugovora u roku od 60 (šezdeset) dana od dana zaključivanja ugovora.

**Član 3.**

Naručilac se obavezuje da će putem, JP “Šume Tuzlanskog kantona” D.D. Kladanj Izvršiocu usluga dati na korištenje:

1. Metodiku izrade šumsko-privrednih osnova za šumskoprivredno područje,
2. Karte gazdinskih klasa svih gospodarskih jedinica R=1:25000,
3. Manuale za unos taksacionih podataka za visoke i izdanačke šume (prazne),
4. Spisak izvođača radova (taksatora) po objektima rada,
5. Skice premjerenih odjeljenja sa obilježenim položajima probnih površina,
6. Manuale premjerenih odjeljenja (radi usporedbe) nakon obavljenog kontrolnog premjera i dostavljenog izvještaja.

**Član 4.**

Izvršilac usluga se obavezuje obaviti predmetne usluge po cijenama iz ponude, a koja je sastavni dio ovoga ugovora, u ukupnoj vrijednosti 7.321,06 KM (slovima: sedamhiljadatristinedvadesetjedna konvertibilna marka i 06/100) bez PDV-a.



Izvršilac usluga se obavezuje da stručne poslove iz člana 1. ovog ugovora počne odmah po potpisivanju ugovora, a nakon što Naručilac usluga ispuni svoje obaveze iz člana 3. ovog Ugovora.

#### Član 5.

Plaćanje će se izvršiti najkasnije u roku od 45 dana od datuma ispostave fakture izvršioca.

Plaćanje će se vršiti putem JRT Trezor Kantona Tuzla na žiro račun Izvršioca broj: 099-80291450-36 kod NLB – Razvojna banka

#### Član 6.

Izvršilac se obavezuje da će usluge iz člana 1. ovog ugovora izvršiti u svemu prema pravilima struke, u skladu sa važećim propisima i u roku naznačenom u ovom ugovoru.

#### Član 7.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, a u suprotnom iste su saglasne da eventualne sporove rješava sud u Tuzli.

#### Član 8.

Sva prava i obaveze koji nisu regulisani ovim Ugovorom rješavat će se u skladu sa Zakonom o obligacionim odnosima.

#### Član 9.

Ovaj Ugovor stupa na snagu danom potpisivanja od strane ugovornih strana.

#### Član 10.

Ugovor je sačinjen u četiri (4) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.



ZA IZVRŠIOCA  
DIREKTOR  
  
Duško Topić, dipl.ing.šum.

Broj: 0411-01-14-020073-15/15  
Datum: 08.12.2015. godine

Broj: 160-12/15  
Datum: 02.12.2015.

